

tum erit corpus temperie phlegmaticâ, tempus anni erit humidum & pluviosum, victus præcessit pituitam generans; dolor non est admodum intensus, quia hic humor lentus est & frigidus, color faciei pallidus est & albus, sapor insipidus, vel interdum quoque salsus, febris aut nulla adest, aut lenta, patiens non nisi vi spiritum haurit, ac stertit, faucesque salivâ viscidâ implentur.

§. 11. *Melancholia* si natalitia sua vendicat malum hoc, quod tamen rarò contingit, tunc notæ hujus humoris in corpore erunt conspicuæ, temperies nimirum dominabitur frigida & sicca, color faciei nigricabit, saporem ægri percipient acidum, doloremque sentient stupidiorum.

§. 12. Si causæ externæ ansam malo præbuerint, id ex relatione ægri, vel astantium patebit.

§. 13. **SIGNA SUPERVENIENTIA** sunt *Febris continua*, quæ anginæ veræ & exquisitæ comes assidua. Febris hæc sequitur naturam humoris peccantis, modò tertio die, modò quarto, modò singulis vespertinis exacerbatur. *Dolor* fauces & collum occupat, quem infert partium gutturem & fauces constituentium solutio. *Tumor* adest & *rubedo linguae*, quia & illa ob viciniam inflammationem sentit.

§. 14. *Pulsus* anginosorum ita delineat *Galenus* (h) *Angina* (h) *lib. 4. de pulsus tensione quadam præditus est, & convulsivo per similes. Magnus caus. puls. est & undosus, ut pulsus peripneumonicorum. Quicumque autem vehementer ex illis suffocantur, parvum hi habent & rarum pulsum: ubi jam animam agunt, crebrum ac inaequalem.*

CAPUT VIII.

ROGNOSTICA alia morbi eventum, alia modum eventus concernunt. Quæ morbi eventum, sunt signa salutis & mortis, longitudinis & brevitatis: Quæ modum eventus, sunt triplicia: nam materia aut 1. resolvitur, aut 2. suppuratur, aut 3. transponitur.

C

§. 1. In